

Sarkina Bt Mat Saad @ Shaari

From: Unit Komunikasi Korporat
Sent: Thursday, September 7, 2017 4:37 PM
To: UUM - All Staff; UUM - All Students
Cc: Staf - Pesara UUM
Subject: Pelajar Baharu Diingatkan Persiapkan Diri Hadapi Industry 4.0



Unit Komunikasi Korporat
CORPORATE COMMUNICATION UNIT
Universiti Utara Malaysia



7 SEPTEMBER 2017 / 16 ZULHIJAH 1438H

=====

"UUM : UNIVERSITI PENGURUSAN TERKEMUKA"
(*THE EMINENT MANAGEMENT UNIVERSITY*)

Oleh: Nordiana Shafiee

Gambar oleh: Muhammad Shamsul Shafie

PELAJAR BAHARU DIINGATKAN PERSIAPKAN DIRI HADAPI INDUSTRY 4.0

UUM ONLINE: Pelajar baharu universiti ini diingatkan untuk mempersiapkan diri dengan menguasai pelbagai kemahiran dalam menghadapi ambang revolusi industri keempat atau Industry 4.0.

Menerusi tayangan video amanat Naib Canselor, Prof Dato' Seri Dr Mohamed Mustafa Ishak berkata, Industry 4.0 merupakan satu era yang mana semua graduan (atau pencari pekerjaan- x perlu kot) perlu memiliki lebih daripada satu kemahiran (sedia ada).

Katanya, pada masa hadapan, graduan akan mempunyai kemahiran baru untuk bekerja bukan dalam satu bidang atau satu majikan sahaja, sebaliknya berkeupayaan untuk melakukan dua atau lebih kerja dengan majikan yang berbeza.

"Dalam tempoh empat tahun akan datang, individu tidak lagi boleh bergantung pada satu pekerjaan sahaja, justeru semua pelajar UUM khasnya perlu bersedia dan mempersiapkan diri dengan mengambil kesempatan serta peluang yang ada di universiti ini untuk menambahkan kemahiran diri.

"Sekiranya pelajar masih bergantung dengan hanya satu kemahiran yang ada, dibimbangi tidak mampu untuk bersaing dan menghadapi perubahan pesat yang akan berlaku pada masa hadapan," ujar beliau.

Dalam tayangan video tersebut, Naib Canselor turut melahirkan rasa bangga kerana UUM menjadi pilihan pelajar baharu untuk menyambung pengajian di peringkat tinggi.

Majlis Ikrar Minggu Suai Kenal Semester Pertama Sesi 2017/2018 dan Amanat Naib Canselor diteruskan dengan bacaan lafaz ikrar yang diketuai Muhammad Afiq Mohd Shahar dengan diikuti seramai 3,977 pelajar baharu, seterusnya penyerahan watak ikrar kepada Yang Menjalankan Tugas Pendaftar, Baharudin Yaacob.

Sementara itu, Timbalan Naib Canselor (Hal Ehwal Pelajar dan Alumni), Prof Dr Abdul Malek Abdul Karim yang mewakili Naib Canselor pada majlis tersebut mengingatkan pelajar untuk mematuhi peraturan universiti dan mendahului tanggungjawab sebagai pelajar.

"Tajamkan kemahiran insaniah yang diperlukan majikan apabila tamat pengajian kelak, bekerja dalam satu pasukan, memiliki sifat pemimpin dan bijak menyelesaikan masalah, selain meningkatkan kemahiran modal insan dengan bergiat aktif dalam persatuan dan badan beruniform."

"Manfaatkan peluang sepanjang berada di universiti untuk membentuk jati diri supaya menjadi insan berguna dan pada masa sama menjaga nama baik UUM dengan setiap tindakan perlu berdasarkan kersionalan dan kematangan," ujarnya.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



AACSB
ACCREDITED



ASSOCIATION
AMBA
ACCREDITED



STARS
RATED FOR EXCELLENCE
2012

AUN-QA
Quality of Teaching



BETA
GAMMA
SIGMA



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.